

高安縣志卷之二十一

古蹟

城 堂 樓 臺 亭 軒 閣 宅 園 庄
祠 廟 寺 院 蒼 觀 宮 殿 耶 墓

蹟以人傳人因蹟著康樂諸城名存實去月榭風亭星
霜久度廟寺森然宮觀如故雲樹蒼茫高賢古墓憑弔
興懷千秋慨慕志古蹟

城

康樂故城

在縣東北四里宋武帝二年封謝靈運為

康樂侯就第即其地也城外周迴山水謝公日遊宴

其間有書臺石硯尚存從通志增入

雲棚故城

在縣北五十里又城北五里有斷水橋城

皆唐應智頊屯兵地從通志增入

和

華陽故城 在州西四十里唐武德五年置靖州時立
縣八年廢有古城在從通志增入

米城 在縣西北十五里取米州之義今故址尚存從通志增入

堂

碧落堂 在鳳山之巔創始於宋守邱礪文天祥修之

元同知張榮復修之元末燬于兵火明正德八年知
府鄭璠重建崇正間知府陶履中益加修葺各有記
詳藝文

月朗堂 在碧落山上宋文信國守筠時建有登高詩
明嘉靖間改為文信國祠崇正初兼祀劉誠意陶靖

節于中

綠筠堂 在汪西道院後唐武德七年產瑞竹都督鮑
安仁奏改萊州為筠州堂造落成遂以類其堂曰綠
筠宋蘓軾蘓轍明陶履中各有詩載藝文

瑞芝堂 在府署內宋寶慶元年碧落堂後產瑞芝一
本十四莖守臣沈謐作頌表奏於朝詔改筠州曰瑞
州瑞州之名始此舊志以為因產瑞竹名瑞誤也從府志增入

無訟堂 在府署孔武仲記曰廳事以北林木相望間
以華屋有堂在中名曰無訟朝散郎許長卿所建也
從通志增入

棲真堂

在碧落洞前李八百棲真處楊萬里有詩載

菘文

仰高堂

在府學內元教授余岳建郡人柯芝有記

明秀堂

在縣治東下瞰蜀江宋建今廢從一統志增

蜀春堂

在府治宋建今廢從一統志增

鳳山堂

清心堂 俱在縣治西從府志增

平溪堂

宋蘓穎濱有和毛太守五詠堂居其一

明恕堂

在縣治內宋時建從一統志增

吏隱堂

縣之武庫廳枕鳳山下廸廳之宦而堂焉扁

曰吏隱天台陳侯之所題也今廢從通志增

民鑒堂

在縣治前 育嬰堂在縣迎恩門內知縣王敦素建

同夢堂

在南城朝天坊廣福寺昔蘓子由謫筠時子

瞻便道訪之寓于此先夕不約而夢同名其堂曰同

夢已廢乾隆辛巳太守楊閣安復建于鳳儀書院

蘭薰堂

幸元龍自記雲岫閣之北架一堂前簷栽蘭

四十斛摘淵明幽蘭生前庭含薰待清風之意扁曰

蘭薰從通志增

陽春堂

在府署之西從府志增

讀書堂

在釣山北有劉道原讀書堂從通志增

先師堂

在槐東書院廖暹有詩從府志增

樓

錦水奇觀樓

即府前譙樓負山面江勝槩甚偉從府

志增入嘉慶二十年知府石俊重建改名大觀樓

錦江樓 在南城馬步北臨錦水下通城門為郡之勝

游前守周改為錦江門樓廢從府志增入

進賢樓 在府學前明正德八年既建鍾秀門於學右

復即其地跨街紉樓顏之曰進賢按察副使建平宗

璽詩曰筠陽灘上水漫漫石磴縈紆十八盤山郭曉

煙圍遠色江城殘凍遞餘寒圖中太極何人見鏡裏

鳶魚我輩看坐對浮雲心已懶虛舟猶自出狂瀾乾

隆甲辰重新之祀文昌奎星於其上從府志增入

明秀樓 在縣學前今廢從府志增入

明遠樓 一在舊貢院內即今縣學舊基一在碧落山

東北地勢高廣明正德六年知府鄭璠建樓其上今

廢從府志增入

登春樓 永豐樓 俱在水南今廢

秀文樓 在府學內取黃庭堅士大夫多秀而文之義

聶致孫詩曰誦餘衣袂受風輕來與闌干共晚晴山

倚南雲屏迤邐江迎西月錦鮮明道心千古飛鳶接

秋意一樓賓雁橫老柏上頭天尺五莫教金石出商

聲知府夏景有句云峯巒遠近堪圖畫南浦西來第

一州從一統志及府志增入

化成樓 在府學明洪武十六年建從一統志增入

大觀樓 在縣門左明萬歷中知縣田一甲建陳邦瞻

詩有人煙雙市合春樹萬家深之句熊茂松詩有萬井絃歌環卧閣千家煙火入登樓句從府志增入

覽秀樓 在槐東書院廖暹詩曰飛棟橫空爽氣浮水光山色日春秋登臨覽興真無際漫把吟囊次第收從府志增入

康樂樓 未詳所在蘓子由有詩從通志增入

臺

古狀元臺 在郡譙樓前青宮太保坊左俯瞰錦江曩春秋赴試臺前監大魁字旗郡守于此餞行明嘉靖甲午冬吳山教銑等赴京會試太守朱鴻漸餞之有巨鯉躍入吳舟朱賀以詩明年乙未山果及第銑中

二甲第三今廢

李真人煉丹臺 在治西三里今臺址猶存

金沙臺 在治東南二里許漢長沙定王子拾建為游玩之所代有聞人題咏後圯明萬歷間劉刺史雲從暨詩人劉瀾谷彙刻金沙臺集

眺遠臺 宋蘓子由有詩

亭

塵外亭 在縣署宋建倪思書額沈樞有詩今廢從通

志增入

玉井亭 在郡圃有丹井一區俗傳李八百穿七井以

象斗樞此其一也今廢從通志增入

翠微亭 在碧落巷右宋歐陽守道有記載菑文

松風亭 在碧落堂後旁有庭厨三間明正德時建

凝翠亭 在碧落堂右明正德時建

郡庠山亭 在府學內趙師秀有詩

臨碧亭 在碧落山之西泰和劉嵩詩有曰筠州之山

蔚霞綺碧落仙人洞天裏從府志增入

清風亭 在城西小洞山後北壇之前明正統間太守

夏景重建今廢舊有畫竹周津有詩載菑文

方沼亭 在鳳山前蘓子由題太守毛公八詠亭居其

一載菑文

偃松亭 未詳何地陸游有詩

翠樾亭 在府署一名半山蘓子由詩曰一夜飛霜點

綠苔曉來黃葉埽成堆簷前翠樾彫疎盡放出牆頭

好月來從府志增入

坡仙亭 未詳何地蘓子由有詩

呂公亭 在朝陽門外真如寺前明萬歷間知縣田一

甲以宋呂祖儉墓在焉建亭以表之郡選貢吳夢陽

有記載菑文

飛躍亭 在南城外東一里許明萬歷丙子知縣王渙

因仁濟橋圯埒縣治之西而東南獨陷故建亭以補

巽峯之缺天啟四年知縣胡承謨甃石重建歲久就

圯

國朝康熙甲戌郡守李公雲根重新之少詹徐日暄有詩
 雍正七年知縣祝元仁復加修築乾隆元年紳士重
 修增為三層副都御史陳守創有記並載藝文乾隆
 五十一年因修郡邑文廟復新之太守都建養正書
 院於其旁

喚渡亭 在東門外四里許宋蘓子由謫筠兄子瞻過
 之同訪劉平伯喚渡此地因作喚渡亭手書三字今
 石址尚存從府志增入

光霽亭 乘風亭 賢遊亭 三亭俱在槐東書院

甘露亭 在十六都蛇嘴橋 一梅亭 在十六都冷塘

軒

東軒 在試院內左側宋蘓子由有記
 國朝學使翁覃溪有記載藝文

西軒 在治東南宋呂祖儉上書忤韓侂胄安置筠州
 嘗憇息此軒即今大愚山之側久廢

待月軒 在大愚山宋蘓子由謫筠州過南康廬阜訪
 隱者舉日月以喻性理因悟其說至筠作待月軒以
 自省并記其事從通志增入

存思閣 在邑治南一里許羅廷魁建從一系

青龍閣 在邑治東宋邑宰李以制建明宏治間知縣

唐寶率邑人新之匾曰永鎮從府志增入

望然閣

在鳳山之東遠眺兩城南山當戶明崇正初陶守重修取五柳先生語書餐勝閣悠然見南山二匾顏之今廢從府志增入

高遠閣

宋嘉定辛未邑令楊於其室之南創一小閣輪奐翬飛上出層空俯瞰塵市郭居十萬鱗鱗可數南望荷山千岩紫翠飛舞北顧華林縹緲峻聳凌霄青雲之興碧岑之目不孤矣今廢從通志增入

嵐翠閣

在靈山寺法堂東此地為西澗故里因取歐公贈凝之廬山高語書曰嵐翠閣今廢從通志增入

文昌閣

在南城仁濟坊乾隆辛亥本坊重建

齋

偶齋 在東軒後明天啟丁卯郡守陶履中建是年有

敗蘭再花枯桂復實鸚鵡自穀三異因作偶齋三異

記載藝文

船齋 未詳何處宋蘓子由次毛太守有詩載藝文宅

漢建城侯宅

在治東南三閭廟前漢元朔四年長沙

定王子拾始受侯封立宅于此後六年以失荐賀免

爵編為庶人至四世劉迴鳳乃復爵因世居焉

晉黃仁覽宅

在治東二十里今祥符觀是其故居從

通志增入

唐鄧文瑞宅 在縣西北四十里今旌義鄉玉虛觀其

故址也按文瑞四世同居一門五百餘口開元中與

同邑宋練俱奉詔旌表其閭從通志增入

唐應使君宅 在縣西六十里今調露鄉雲峯寺其故

址也按使君即靖州刺史應智頊

唐幸南容宅 在寶慈寺按南容其先渤海青池人萬

歲通天中茂宏丞南昌因家高安之洪城里從通志

增入

黃仙人昌宅 在玉晨觀

南唐宋齊邱宅 在邑南遼山下

宋劉屯田宅 在治南四十里按屯田劉渙字凝之縣

之鈞山人仕為潁上令以忤上官歸隱廬阜三十餘

年歐公作廬山高以美之從通志

廳

古君子廳 嵐翠閣下有軒軒下有巨竹千挺取東坡

送劉道原歸觀詩書曰古君子廳從通志增入

居

小雲居 在來賢鄉資教院去縣城南七里樂城集有

雨中遊小雲居詩從通志增入

廬

野人廬 在郡署後宋文天祥知筠時建每自稱野人

故云

逋廬 地名未詳明邑人教文正有解

園

東郭居士南園 在南城登瀛坊舊擅奇花怪石亭榭

池沼之勝今廢

北園 吳氏園 陳氏園按三園古稱最勝宋蘓子由

寓筠時每有題咏今蹟廢矣郡志復逸其地而子由

題咏獨存後人誦其詩如游其園豈必以其地傳耶

庄

白雲庄 在縣治東大田官山里即南唐所賜詩人沈

彬庄也蘓子由有詩舊志未詳何地今據輿圖考編

載

壇

許旌陽煉丹壇 在縣西北四十里

祠

三賢祠 在治南祀宋余靖蘓轍楊萬里今廢

三劉祠 一在府治東一在靈山寺一在淨慈院一在

新豐鄉祀宋劉渙與子恕孫羲仲幸元龍有記

呂寺丞祠 在大愚山祀宋太府寺丞呂祖儉

四俊祠 在遼山西莒岡化成院祀宋姚勉胡仲雲劉

元高黃夢炎

張公祠 在縣西五里祀元知縣張珪至順間治邑有

善政民懷其德作生祠附于龍王廟祀之李澗有詩

魯公祠 在縣學東偏乾隆乙巳修文廟改建學之西
偏祀明守魯史以請免高安虛賦民德之立祠太僕
卿朱吾弼有記

蓮湖祠 在三十五都前有古柏倒插凌霄相傳唐鄭
楊二公手植 天僊祠 在鍾秀門外

廟

高胡侯廟 在城北七十里高胡山下祀漢豫章陳夫
乞自漢迄宋享祀不絕每水旱行禱皆應幸元龍誦
許旌陽廟 在三十都鳳凰墟 一在澄源嶺
三閭大夫廟 在一都祀屈原漢長沙王子拾封建城
侯後免爵家金沙臺側立廟祀之

相王廟 在蔣家湖下祀伍子胥

忠濟廟 在城南世濟舖唐建祀吳將軍甘寧太保吳

山有記載執文康熙十年重修

利貺廟 在鳳山祀陶回回平蕪峻功封康樂伯咸康
中合邑苦旱乃發廩賑濟民利其貺建祠祀之今浮
橋南岸亦有利貺廟

東嶽廟 在南城西安門內唐建每年三月念八日神
誕兩城于此慶祝立有接香亭康熙九年清涼後會
重建

惠民廟 在南城連通坊舊名清源廟祀嘉州太守趙
昱唐太宗封為神勇將軍開元中封赤城王至宋賜

號惠民况莊有記

昭明廟 在南城上小街儒榮坊祀梁太子蕭統邑人
廖暹有記

祠山廟 在北城高家巷一名李王廟即李祿也本舊
禪寂院聖果寺側唐顏真卿真德秀張詠明蹇義羅
汝敬有記載菽文

晏公廟 在迎恩門內顏曰平浪王祠舊在涂氏宗祀
對門康熙三年甲辰本坊衆姓捐資買基鼎建于鄧
氏宗祠對門十年辛亥本坊陳汝言建兩廊併砌甬
道

五顯廟 在北城石橋頭又曰觀音閣

北靈官廟 在縣新倉右

康王廟 在新市巷景行坊

吳將軍廟 在府城隍祠內將軍名翊贊

北都天廟 在阜城門內赤土舖李宅之北

南靈官廟 在仁濟坊舊名飛仙廟祀明香真人

白馬廟 在仁濟舖

荆山廟 在惠民廟前巷內

迎山廟 在朝天坊

上官廟 在趙家巷內

華光廟 在鍾家池上

虞輔廟 在昭明廟前虞輔巷

九郎廟 在上水舖九郎巷

南都天廟 在靖安門

昭明廟 在市南舖古狀元坊下俗呼小太子廟

田公廟 在市南後街

太尉廟 在南関舖

伍大夫廟 在南城况家水門外

周將軍廟 在鍾秀門外

石爺廟 在錦江北岸渡口妙真宮前

石鼓廟 在石鼓潭上

龍王廟 在縣西北五里祀龍王幸潭潭本邑人按唐

允功記載潭事極靈異歲旱禱之輒應封福應公白

玉塘有歌五首載菰文

鄭公廟 在三十都澄源嶺久廢為幸氏居

雲山廟 螺山廟 俱在三十都張坊水口

五顯廟 在三十都楊坊水口

二賢廟 在調露鄉先是幸南容建祀應智項寶歷丙

午里人並祀南容

駕山廟 在三十二都趙家庄蔡溪胡季珍建

米山廟 在三十七都米山寺後祀唐尉李英今廢

涂李廟 在三十七都先是涂仙姑廟因明王李英廟

地並祀于此故曰涂李廟後鄉士以仙姑不宜與明

王並居遂遷仙姑于米嶺之巔而明王實專保障涂

李之名特相沿不廢耳英本州人為高邑尉伐金牛卒于是四堡居民祀之

仰山廟 在拱辰門外

七郎廟 在迎恩門外

黃覺廟 在四十一都巷前西北

清源廟 在四十一都石上

三聖廟 在四十一都濞塘楊氏立

迴龍廟 在灣頭里社

虬龍廟 在四十三都鄧坊

仁濟廟 在赤土俗呼虬王廟為虬王七十二廟之祖

祀三國劉繇宋慶元間建初勅府縣致祭後赤土陳

氏請代每年七月十二會族慶誕享祀特隆

虬王廟 在三十四都吳氏立

三聖廟 在縣北三十里蓮湖村從府志增入

五顯廟 在縣治東又有行祠在蒙山市從府志增入

安樂伯廟 在南城康樂門內後附于利貺廟從府志增入

三聖廟 在三十五都長壠水口山胡鄧熊胡四姓建

老太尉廟 在高明門外西南

麓敦廟 在王祥渡里人劉麓敦因征紅巾賊死事故

祀之

嘉興廟 在白鷺橋左沙岡上

楊八公廟 在信義巷

筋竹廟 在一都樂山之旁因祈雨竹根蟠轆故名

穩泉廟 在十一都穩泉塘上

雷祖廟 在十一都雷祖嶺上

長沙廟 在五都長沙鋪范氏立

太保廟 在十二都埠頭楊氏立

大王廟 在十二都陰岡墟康熙六年邑丞蔣題序筠

南徐啟震重新

古譚廟 在朝陽門外宋紹興間知府譚申守筠有惠

政民懷其德立廟祀之

金庄廟 一都劉氏七房建

掘塘廟 一都劉氏暹房建

水府廟 在陽春橋河岸上祀蕭公真人俗呼老官廟

又浮橋南岸有水府廟各埠船戶新立

白馬廟 在四十六都城上李氏等建

大王廟 在四十一都祥符觀墟上祀黃仙兄仁覺

官塘廟 在四十都官塘熊姓立祀黃仙兄仁覺

仙姑廟 在二十八都白竹塘仙姑姓晏相傳元時得道

大黃廟 在祥符觀前 關帝廟在廿九都村前墟

七里廟 在一都

南神廟 在瀚塘單姓寶華庵創

水府廟 在十九都灰埠邑侯劉祉匾曰洞庭仙蹟

司徒廟 在上十三都

寺

禪那寺 在南城鳴鳳坊舊有額曰鳳鳴山寺僧綱署焉寺前有池圓如鏡相傳舊產叢蓮每年花開九品因名九蓮池明天啟間聽指僧善琴比部熊茂松有聽琴歌太守陶履中屬和載菰文

國初重修憲副周公之恒為記乾隆癸巳僧開遠重修

朱文端聯云坐錦水寶筏慈航身渡恒沙萬萬 對

荷山孤雲片月目空世界千千陳木齋聯云慧日慈雲籠鉢沼禪心佛性發蓮花

觀音寺 在南城高明門內唐時建原名觀音院賜額三論道場正殿曰聖師殿而屬有二十四寮前後多

松柏又有欽賜寶塔二座宋有戚畹出家住此改名興國寺又名太平蘭若元末紅巾賊至傳言有寶藏掘發未遂焚之僅存二寮即今觀音寺圓明寺是也俱牒和尚曾住此明萬歷三十四年邑令盧召僧募緣鑄接引銅佛建無量殿居之郡守魯公史愛其僻靜匾曰城曲落迦題其柱曰灌木障紅塵日麗風清儼是西方佛國 平沙開綠野雨香雲淡居然東土人天 又三界是大戲場傀儡燈前却被誰捺線索一心乃真覺海葦航脚下莫教自起波濤 劉九嶷接引佛聯云世間有佛從心出 天下何人到手

援

國朝康熙八年全寺火丈六金身亦燬劉九疑胡起龍倡率更鑄十年知縣張文旦捐貲命僧本愚募衆興復之乾隆

年僧宣成募衆建後重於接引佛之後
圓明寺 舊為圓明院康熙八年僧冰若募修乾隆戊寅年僧覺岸募邑人李芝蔚鼎建方丈

靈泉寺 在南城連通舖原有靈井故名明住持僧普誠出穀賑饑朝廷旌之現有石碑存寺

國朝康熙二十七年僧實行募衆重修久之墻壁傾壞佛殿無存乾隆甲午年圓明寺僧逸菴募修重建邑人熊中砥有記

興化寺 在南城石橋東與靈官廟接壁正殿及毘盧

閣俱本坊徐姓同住持學明創建

棲隱寺 在南城靖安門內相傳陶淵明曾棲此有額

曰流憇初創頗隘明末住持僧心月募修興復後殿一棟五間又兩廊左伽藍右西歸

國朝浙僧能秀建山門一重前殿卑圮不稱康熙八年郡守劉公登科捐貲建正殿及兩廊廂房規制稍宏

南山寺 在高明門內有銀杏樹二株甚高大今廢基址佃與民家杏樹猶存

大愚寺 在朝陽門外一名真如寺以大愚禪師所居故稱大愚後呂祖儉寓此亦稱大愚為南嶽下三界
歸宗常禪師法嗣臨濟雖嗣黃蘗而受乳于高安灘

頭悟法實從大愚後守芝禪師住此五祖戒又終于此流風餘韻代有其人宋蕪轍明劉嵩俱有題咏久之荒廢萬歷戊申蜀僧真全住此闢草萊而成之田令一甲馮令大任後先護法而朱令道行又為捐俸贖還舊業三十畝未幾豪右肆侵賴郡守魯史力為讞決於是懶雲窩之故址亦復而寺有別院曰本覺陶公履中因寺請而鼎新之

國朝順治十三年六愚詰禪師以洞山孤和尚法裔開座黃令奎齡刻其語錄行世康熙五年嗣法徧鵬苦心募建三門正殿藏經閣一時俱興邑紳汪毓珍營把張有功捐貲買田八工地十畝又贖回道入園地三

畝寺旁地五片乃張氏捐入共資香火之需寺有八景詰禪師各紀以詩舊有松林蓆蔔林今廢寺旁為呂公堆寺前殿居大佛又稱大佛寺乾隆十三年春奉

旨賜紫命住洞山普利寺主席楚雲徹和尚法嗣文達璋禪師衆姓延入方丈乃同法弟文遠質禪師捐貲買回寺背寺旁田十八工載糧三斗五升又羅漢會衆置買王家園田五工半額糧七升五合存寺

洞山寺 在鍾秀門外為价禪師行脚憇息之所山上清風亭明郡守夏晷建天啟中浙僧恒璞居西寮頗事修葺

國朝順治初僧寂蓮復修東寮康熙初更剏正殿建韋馱殿山門塑金剛佛像知府孟公命世楊公朝公葛公全忠同知蔣公允修各捐助康熙八年僧德昇建千佛閣一重於正殿右又買寺前魚池基址稍擴康熙五十二年西寮僧嗣宗苦心持修郡守授為都綱力募重新各寮

祥雲寺 一在城外七里橋原烏龜觀後改寺一在十

二都原隆真觀康熙五年司馬蔣公允修改額

雲居寺 在石鼓潭上四圍山拱若城竹松陰映另闢

一境甲申劉九疑於此避歲著有存年草康熙七年

僧空生募修正殿胡起龍倡率新佛像有詩明熊茂

松亦有詩俱載藝文

壽聖寺 在北城外西北隅今額存壽聖寺即燕子由

所記吳智訥建以住省聰

淨居寺 在縣西四十里隋開皇九年建唐貞觀二年

廢大歷三年復興有施肩吾記宋治平間改今額從

通志增入

資壽寺 在四都舊址葛嶺下知州楊彥施山及田遂

遷焉孫宗退後山為瑩寺久圯壞僧文宗重修魏煥

改觀為一都勝地

鄭公寺 在四都今改祠石溪衆立

洪都寺 在坎頭即洪都觀

多寶寺 在石頭街寺倚嶺叢林茂鬱有古塔四座僧

六印創建張直劉九疑有詩載藝文

平林寺 在五都范世嘉同僧海昂修

普光寺 在六都唐建

國朝康熙初復創大雄寶殿分東西二寮

遠港寺 在九都一名淨土寺

靈山寺 在鈞山東北壁間有劉恕詩有幸元龍劉西

澗先生祠碑記

南青蓮寺 在十一都雞籠山盡處

定林寺 在十二都上泉墟臨江界黃伯固有詩

普會寺 在十二都興隆山順治庚寅年僧印初悟建

團山寺 在三十六都即雷神壇七保公建

禪定寺 在下坡十二都顏江吳開普修建

南建山寺 在十三都龍城教文正建

超果寺 在十四都東村

福勝寺 在十五都住持僧廣學建

東華寺 在十六都僧指月建

西隱寺 在十六都橫江僧亮成建道鏡重修殿宇聖

哲復創貼西橫屋并幾石井

崇福寺 在城南白鶴山一在十八都市上今改建觀

祝聖寺 在三十三都三寶嶺

羅佛寺 在二十二都羅佛港康熙元年僧德慧建

香林寺 在車田康熙元年僧恂若刻有百丈源和尚
語錄并六景詩寺有糧二石四斗左側回龍山有野
石禪師塋

元興寺 在二十五都東山康熙八年建

萬善寺 在二十五都李岡按通志在高安之雲岡山

明崇正間况春起召僧朗空募建

戒香寺 在三十五都僧照慧建乾隆四十七年合都

重脩

青雲寺 在三十五都伍橋何氏水口乾隆己亥僧克

昌募族增修開堂領眾有語錄行世

寶福寺 在三十都洪城幸鳴鶴有記

北青蓮寺 在三十都良山順治初年觀音寺僧建

西乾寺 在三十三都

明慧寺 在三十二都合都公建

淡雲寺 在三十四都康熙十年僧洲洪建

米山寺 在三十七都其地五星圍聚蟠結如垣曲徑

幽僻盛夏生涼唐武德間兩祖師至一曰睦州一曰

雲門講經說法頑石點頭寺僧奉以為祖塑像祀之

鄒篤生詩曰郡有各山曰米山僧結室伴雲閒扶

筇頓覺襟懷遠借曰饑來到此間寺糧一石係都眾

施產

北建山寺 在三十八都出拱辰門二十五里宗蘓子

由迎子瞻于此有同夢堂一笑橋故址

資福寺 在四十一都許國銳捐俸倡修胡起龍助費

併新佛像僧性照募建寺粮三石

願山寺 在灣頭與長樂宮對岸劉九疑建著願山草

碧蓮寺 在三十都泉水洞僧省文建田地屋宇俱係自置朗月重修

靖忠寺 在四十二都龍橋西里許今廢

圓覺寺 在豐樂鄉

圓通寺 在二十九都

迴瀾寺 在社山水口

南山寺 在四十二都舍前團烏高山

荷山寺 在三十八九都

院

太平院 在朝陽門外原大愚寺懶雲窩故址有田粮

三石零康熙初郡守楊公朝公捐貲創建以供雪明

和尚其地四百餘丈週遭築土垣樹松竹中監一座

四面皆佛前為彌勒殿後為方丈最後為藏經閣五

間左右廂廊各十間初名放生城後改額太平康熙

六年雪明去以梅逢忍和尚代未幾忍應壽昌請付

皓和尚主之遞傳圓智鑑其法席各支輪主

太愚塔院 在懶雲窩順治辛丑年建知縣黃奎齡為

記

明心院 在一都

慶雲院 在二都僧慧果募溪上梁氏倡建今改寺有
糧九畝

海會院 在三都唐建僧慈亮重修

國朝初僧澄之寶林捐募重新糧五石有零

寶梵院 在三都

嘗樂院 在七都

法寶院 在八都澧港

萬歲院 在十都田西僧本惺偕徒必壽必茂捐募重

新計糧三石有零

廣福院 在田西

淨慈院 在十一都鈞山之西劉渙隱廬山嘗與嘉禾

陳舜俞自南康反筠遊此有詩曰顛倒儒冠三十春

歸來重喜訪仙隣千奔萬競無窮竭竹老松枯特地

新院中有西澗祠幸元龍為之記今改名寺

福勝院 在珠湖康熙五年召僧覺明建佛殿糧二石

九斗

明教院 即演教院在二十五都白雲山宋嵩禪師建

國朝順治九年源和尚開堂于此寺左有月和尚塢僧肩

慧建去院十餘里為菩提菴乃明教別院

永壽院 在遼山水南廬陵張貞生有詩

禪寂院 在縣後與聖果寺隣

永慶院 在太平門外

鷲嶺院 在縣西四十里龍岡附石牛嶺有小鉄鐘桂
林置

惠日院 在三寶嶺下

化成院 在桑下橋楊甘二姓同僧隱松建

瑞相院 在三十三都

普照院 在米嶺東

南山院 在赤土陳氏施有田產僧道佃其半

慈雲院 在治東二十里宋蕪子由有詩今廢

金峯院 在銅溪舊名菩提寺宋大理寺丞劉襄見溪

上兩峯環秀形如鳥窠遂遷以居嚙囉尊者掘地得

金佛因改今名明永樂中僧印于有記

國朝康熙戊子燬庚寅僧上持重建從通志採入

超果院 在調露鄉今名浮樓院

惠燈院 在荆田

本覺院 在斜橋即真如寺別院

青蓮院 在故里塘

庵

濯纓庵 舊稱勝概宋蕪子由有詩

白衣庵 在縣學右側明崇正時建邑人熊坊改額曰

覺庵今廢

修竹庵 在府治後宋文天祥建

滌水庵 在十三都樂溪吳季七建

淨土菴 在迎恩門外古為東安寺久廢明崇正間僧
妙光創復今廢

魯渡菴 在五可橋下縣左塗良義施建民糧一石斗
熬香菴 在三十六都下塘萬歷時僧行惠建

龍家庵 在北城外龍家坑

祥雲庵 在二十二都石鼓潭邊順治己亥年僧指源建

集成菴 在十一都西陽劉建

霧靈菴 在二十二都高沙順治三年啟明建

茶坪菴 在三十都捨山自立

茶菴 在張坊板橋張昭偉建

白沙菴 在三十五都康熙戊申年僧德慧建

馬祖菴 在四十都

益庵 在拱辰門外附徐氏書院康熙九年建

禮佛菴 在赤土 延祚菴在三十都

菩提菴 在以易山前有香爐峯

法華菴 在十九都暘谷嶺西

水雲菴 在十九都花園渡僧恭伯建

潔菴 在狀元坊劉九巖建

慈雲菴 在南城東嶽廟側有竹圍如城僧懿若以琴

清淨菴 在十六都冷塘盧姓建住持僧寶明

圓通菴 在南關外

普惠菴 在南關外前有甘露亭曾大旺建其山門及

關帝像城上李氏建山主張普興計民糧一石
太洪菴 在古祖橋

廣福菴 在含陽橋之南

西來菴 在朝陽門外附古譚廟順治間僧法悟建

大慈菴 在村前蕪溪港側僧聞思建德華重修

白雲菴 在菴前渡左或云船子禪師駐錫處有嶺雲

無去住往來不須剪之句順治年間僧寒岩募建左

有半月軒右有孝覺堂糧一石有零

白雲菴 一在五都琴峯山菴前有清能禪師塔院有

田地及僧房 青蓮菴 在三十六都公建

長興菴 在珠湖前有亭僧無瑕建

上乘菴 在五都龍頭山原鉢爐菴宋咸淳間建

西華菴 在九都方山燥岡黃姓建

一宿菴 即賈家菴百丈源和尚過此一宿因名

天竺菴 在上湖舖順治庚寅僧宏學建自置田產

中和菴 在桂林前有三元殿康熙間鄒然等同僧宏

機若行創建 西竺菴在七都

栖雲菴 在五都荷山順治辛卯僧智和建

晉慧菴 在平湖康熙癸卯蕭鎮岳倡建

重潤菴 在二十九都

護堤菴 在二都喻坊堤側梁家駒同衆姓建

古松菴 附于艾姓昭明祠之旁艾以增倡首買田十

畝又標山衆助田一畝

水口菴 即水口亭在二都溪上梁冰亭建

慈慶菴 在二十三都

小林菴 在十四都社岡背南湖鄒氏建

福勝菴 在十二都埠頭楊氏建

觀

元妙觀 在南城朝天坊唐天寶間建舊址橫直四十

二丈明嘉靖間道人晏普天重修范雋有記

國初山門火正殿圯康熙二年巡撫董公行部捐資百金

命郡守葛公全忠督修合屬紳士胡起龍李文燦等

糾助重建正殿并創火神祠門廡煥然一新東有三

元閣佑聖殿文昌宮西有北極殿皆舊建文昌宮圯

推官張鳳翥重新之胡起龍有記文昌宮今廢乾隆三十

按元妙觀自唐迄今建立已久規制甚宏為合郡

公所康熙壬申以前悉就傾圯癸酉年郡守李公

雲根將舊載橫直四十二丈地基查清照舊額而

倡修之雍正甲辰郡守高公成齡將山門外街前

空地創立戲臺後池沼並加修濬乾隆丙寅郡

守沈公瀾又將山門外兩邊空地創立店房東西

各二間惜今宮殿祠閣又復廢弛守斯土者能無

慨然

蜀江觀 在靖安門今廢

玉晨觀 在府治東七里今廢見通志

十華觀 在三都

至德觀 在縣東十里信義鄉

集靈觀 在六都

丹臺觀 在六都華塘

玉成觀 在七都蕪轍陸游有詩

荷山觀 一名棲霞觀在荷嶺上幸元龍有記

延齡觀 在九都今改寺

紫府觀 在十一都山舍原在釣山之麓移置此處今

有釣山福地古額現存

太極觀 在六都本都公建舊志在曲安鄉記

祥符觀 在郡東瓦窰舖黃仁覽故居邑人陳邦瞻有

詩唐學士殷崇義有記宋幸元龍亦有記順治間薄

塘楊紹儀後裔重建二門菱塘皮姓建神座牌坊

延長觀 在豐安鄉改圓覺寺

紫極觀 在斜下

紫霄觀 在調露鄉

崇元觀 在調露鄉三十都幸元龍有記新溪胡邦彥

施產塑像

青霞觀 在三十七都米嶺下晉許旌陽煉丹于此爐

烟縹緲結為青霞上冲霄漢故名山水秀異神靈顯

應都人士輝煌騰達悉賴幷幪觀田九十畝載糧二

石七斗五升都衆施產

蟻子觀 在城北拱辰門外十里

真元觀 在務農鄉原名招仙觀晉許黃二仙煉丹之

所西邊石上有仙人跡旁有井名金泉宋徽宗勅建

改今名陳奉議子孫昌學二交代有施田以贍學老

氏之學者

國初兵燹因募僧人住持東西兩寮分佈觀田各半詳載

碑記

竹龍觀 在北城外白竹岡即黃仁覽騎竹化龍處

壓龍觀 在二十七都龍岡下障熊氏建

仙遊觀 在二十八都

宮

妙真宮 古元陽觀在城西唐元和七年移與葫蘆井

相近熊茂松有詩

長樂宮 在一二都界祀許旌陽唐勅建香火極盛陳

邦瞻有記

淨樂宮 在城今無考

萬壽宮 在豐安市二十八九都之界

銅湖宮 舊名銅湖殿在二都溪上梁同各姓建旁有

書屋

殿

觀音殿 在四十一都藻塘九岡嶺上楊姓建

豪涌殿 在四十四都新建界清洲李氏捐地一半建

亭

傅公亭 在十九都傅公店九寶傅姓建

水心亭 艾姓建

閣

文昌閣 在十七都會上遙嶺閣後大士菴僧賢也建

三元閣 在八都鹿口胡氏建鄒元標有記

塔

水口塔 在治南三十里五里謚氏建石塔玲瓏屹然

天表荷山陳邦瞻有詩本里謚應乾有聯

文塔 在三十都張坊水口張迴闌有記

凌雲塔 在三十七都米峯鄭姓水口鄭族衆建有記

邱墓

建城侯墓 在天子岡

謝靈運墓 在府治南二里 一統志

幸南容墓 在洪城調露鄉之幕山改葬靖安長孫溪

陳康樂墓 在治南高明門外

沈彬墓 在宣政鄉義全里茂林山之原彬唐末進士

世亂隱于丹陽山吳辟致之授校書郎致仕嘗于茂

林山手植一樹命其諸子曰吾死當葬此後發地得

石槨刻曰漆燈猶未滅留待沈彬來

劉屯田繼勳墓 在治北南柵岡

參議蕭鄧墓 在宣政鄉蕭坊後山御塋

劉渙墓 在縣治北五里一云葬星子少府嶺
孝子廖洪墓 在南石橋

雷孚墓 在治西洞山寺後

呂公墓 在朝陽門外朱子表曰大愚叟墓

魏京墓 在舊朝京門外

陳世昌墓 在赤土荷塘庄昌與上官忤棄職號大田

老農自撰墓銘及卒葬此幸元龍為之誌

太保尚書吳山暨黃夫人合葬墓 勅葬三十都浮樓

寺後山碑銘確鑿舊志訛載羅佛港奉縣主吳勤明
改正

侯氏墓 在府署後葬處州青田令張府君之妻

郭氏墓 在南城望仙門外宋紹興間武允蹈過墓見

斷刻殘文曰故汾陽王郭夫人

司寇上卿傅孟春暨妻二品夫人廖氏合葬烟霞山

監察御史王許之墓 葬廟下山

監察御史王印山墓 葬分口黃家門首

贈文華殿大學士朱極光暨妻一品夫人冷氏合葬林山虎

形

朱太傅文端公軾墓 在二十九都龍城寺之右名寶

劍出匣

詹事府少詹徐日暄墓 在五百港

少司農陳守創墓 在九都穩泉塘彭家山

高士熊石齋墓 在三十都艮山之地 並與諸有誌

高安縣志卷之二十二

雜記

祥異

仙

釋

方技

拾遺

易雜著卦禮雜名記理論其常數傳其異灾祲正祥感

孚微秘渺渺仙踪落落神技比附參差不類而類撫拾

遺文用殿斯志

志雜記

漢永建六年秋七月客星出牽牛

晉隆安四年正月乙亥月犯牽牛是年大水害禾稼 大

康元年產嘉禾

南北朝大同五年冬彗星出南斗

隋大業中林士宏寇建城應智頊密使人貨橘于冠分食

之有毒蜂自橘中飛出螫冠多致死

唐武德中應智頊治郡有鳳凰翔集郡山因以鳳名山

元和七年城中火

太和九年廖洪廬父墓有青蛇白獸遶墓側人稱孝感

中和七年昇元觀生瑞竹自根至三尺處岐為兩竿

南唐保太三年沈麟廬父墓有慈烏集墓上

宋開寶九年大理寺丞易延慶居父喪廬墓側產玉芝十

八莖又紫芝一本又墓前手植二栗長成連理

紹聖間州宅後池中產雙頭蓮蘇文定有詩

嘉定十四年南市火燬民居大半

景祐三年夏久雨水漲漂沒室廬雞犬殆盡

嘉泰三年荷山頂上水泉沸湧下流如溪

景定元年北兵擾亂焚郡治及民居殆盡 五年三月

市南火焚民居三百餘家

延祐二年夏久雨錦江泛溢民居陸沉惟州學西澗書

院利貺廟三處不沒

元大治元年大水 七年蝗饑 八年江流陡漲傷稼

至正六年夏西澗書院產靈芝瑞草是年冬市南火燔

民居數百家 十一年夏大水龍出各山崩潰漂流

人畜及民廬官舍是年紅巾賊起 十二年三月紅

巾况普天燔郡城火三日 十四年天完將李普成

王普敬據華林山為寇 二十年春雨雪六十日

二十一年秋地震屋鳴冬火延燒石橋上架木

明洪武元年夏六月地震 二十二年旱 二十四年大

有年 三十年冬十一月虎從北山來入城隍廟

三十二年春二月雨大雹碎屋瓦 冬十一月雨雪

凝凍樹木摧折鳥獸凍死盜賊充斥

永樂十年春大水傷苗 從郡志增入

宣德九年旱大飢 從郡志增入

正統十一年盜嚴雅則起所在為患次年始平

景泰三年冬至次年春凝雪六十餘日 從郡志增入 六年

大旱米價昂貴採食樹皮草根殆盡

天順二年夏四月山崩蛟出大水月餘漂流人畜大荒

五年冬雷鳴鄉市大疫

成化十年夏府學文廟後圃產西瓜一莖七實是年登

秋榜者七人 十八年雹大如拳屋瓦皆碎大水

十九年夏瑞茄產于舉人朱繼祖家塾旁二本高尺

餘合為一結紅紫莖片大如拳類雞冠花 從郡志增入

宏治八年夏旱楓樹結李實桃李冬花是歲有白魚三

躍登浮橋上 十七年進士陳祥家產芝十餘本 從

郡志增入

正德元年夏旱秋七月大水山崩漂沒廬舍禾未刈者

立而生秧 從郡志 三年春民飢秋七月竹生花結實

春之可以炊食是年大旱 四年春調露等鄉雨黑

穀可啖久之穀生芽繼又雨黑雨是秋地震 從郡志增入

五年劇盜陳福一據華林山為寇 六年三月二十
 五日天際有紅白大暈圍連環四五覆境五月十二
 日華林盜夜劫府庫藏獄囚六月二十一日盜復攻
 城燔燒公署民居執通判姜榮妾竇氏死之 七年
 秋八月華林盜平 八年夏秋旱十二月錦江冰合
 可勝重載 九年春胡嵩家產芝二本秋八月朔日
 食既昏黑移時雞宿星見是歲桃李冬花有成實者
 嘉靖四年縣學泮沼產並頭蓮 十二年四月大水
 十三年閏二月地震 十九年正月至五月恒暘不
 雨民大飢 二十二年火災 三十五年夏大水民
 飢 三十九年春雨雹傷稼 以上從郡志增入

隆慶五年冬十月夜半天鼓鳴

萬歷十年久雨水荒陳邦瞻苦雨詩曰悲哉此澤國人
 命寄陽侯環堵尚不保矧復問原疇 己亥三月廿
 露降于陳汝錡之園 十七年荷山見白鹿又有黑
 虎獲之破網而去 二十年大水 二十一年旱民
 飢教文貞田家謠曰一年水潦一年乾猶記前年稻
 米殘斗種百錢無處買何須風雨更添寒 一十七
 年春夏水旱相仍秋稼經旬不雨歲歉虎入南城半
 月逐之不見其踪 三十九年荷山後塘水連奔登
 山 四十年六月城中雨雹有重斤許者內有一成

麒麟像 四十一年民飢 白十七年至此俱從郡志增入

天啟元年春三月靈泉寺井躍出一物如斗青綠色跳
滾如飛旋復入井其井鳴數日是年四月雨墨著衣
皆黑 三年六月夜景星入太陰 六年四鄉多虎
每出以十數能上舟登樓閣開門破壁傷人甚衆是
歲二月華林山有鳥非鴈非鷺羣飛蔽天鳴則震地
網捕之則逸室喧噪數日乃去 七年八月十七夜
月華開合數次是年府署內有枯蘭開花枯桂結子
鸚鵡自穀之異

崇正三年城南狀元坊右盛家園內產靈芝一本大如
盤 五年城北府下民居火救熄越日又火救熄越
日再火凡四五次幾及衙門 九年丙子大饑 十

年十二月流寇張獻忠犯袁州境本府北城迎恩拱
辰鍾秀三門俱築惟空阜城一門 十四年春正月
大雨雪凝冰樹木凍折四山震響夏大水通街深數
尺鄉城多疫 十六年奉新干洲李粟十聚衆立寨
調各屬營兵會勦瑞營守備汪文鎮死于陣士卒死
者六十餘人是年八月平賊將軍左良玉發所部兵
由奉新至袁州堵勦大肆殺掠班師益甚冬十一月
大隊復援袁州駐瑞十餘日四鄉焚戮甚衆婦女多
死節者先是部長欲縱兵入城衆議斂貲犒賞文學
徐昌祚同司獄施以策詣軍前調停兩城賴以安堵
十七年南城觀音寺東寮雨香園白蓮踰期不花

越六月始放

國朝

順治二年乙酉冬下園劉氏哨衆攻城官兵敗之十二月土寇聚衆攻城省發湯楚二副將將兵五千來禦時以江西布政司監其軍接戰于賊營頃刻北三

年丙戌春二月土寇再集攻城城西放火署知府于日望同知崔琳通判文鳳翔推官康永綱分門堵守告急于省金聲桓發侯唐二叅將來援頃刻遂北同

月真空和尚聚衆駐雞籠嶺署縣羅向辰率兵敗之是年大旱夏秋絕雨大無禾次年丁亥三月大潦二麥盡淹米價每石四兩五月增至十兩瘟疫兼作有

百十烟虛無人者劉九嶷有同患詩百餘首 四年冬城北縣下舖合市民居火是年冬肉價每斤一錢六分雞值過之 五年二月江省閩帥金聲桓叅將王得仁叛各郡縣設偽官明年大將軍固山額真譚委朱邦政守郡安輯之本年竹筴冬鹽價騰踊每包一兩八錢民多淡食 七年縣下舖民居火次年又火 八年捕廳張仁聲率瑞營守備劉成功哨官陳功勦秋陂坑等處珍賊數十人獲渠魁周池周老雷旭雷馗等餘黨逃散 九年府樵樓鐘自鳴南鄉多虎因田疇荒蕪黃茅白葦陵谷不分虎多盤踞其中白晝啖人于路 十一年春正月暴風疾雷電大如

斗拔去宣政鄉蔡溪胡氏祠堂一所移置半里外冬十一月錦水街合市民居火臘月府下民居火十二年六月宣政鄉蛟出淹死居民十四年四月府下民居復火

康熙元年壬寅七夕荷山嶺上有石五塊巉巖臃腫自西南飛來駐菴前菜畦中本年雨雹大如拳下赤岸約十里許打死鳥鵲無數而他不及謂之羽刃五年四月二十二夜有賊二十餘人自舟登岸近拱辰門處布梯踰城屠宿城傅籌烟夫六人從縣治後劫署知縣韓一衡以援兵未至受傷越數日殞庫獄未犯疏聞同知蔣胤修遣捕四緝次年獲盜魏仲卿

李侂二等二十餘人伏誅六年元妙觀產芝六本在文昌宮後明年推官張鳳翥新葺其宮七年知縣張文旦署內千葉榴結實次年再實自紀有詩邦人和之八年夏六月趙家巷雌雞變雄冬十月觀音寺火銅佛像燬半九年冬十二月奇寒積雪連綿直達正月三尺不解林木未見折獨大小樟樹枝枯葉脫一望皆禿入春不發至四月始萌芽惟仁孝鄉碧雲峰頂上繞殿數十株青蔥如故十年夏秋大旱十一年春大饑十七年秋旱五十三年甲午春大水夏秋亢旱傷損禾麥冬奇寒水凍盈尺壓死樹木鳥獸甚多

雍正六年秋旱 十一年五月大水

乾隆八年四五月大饑斗米銀三錢隣邑豐城有白土
貧者往取為餅可充饑不可過飽飽則病人秋彗星
見西北方 十七年春饑疫並作死者無算夏埠頭
楊氏井鳴泉涸恍如車聲庠生楊應舉作文禱之其
鳴立止泉出如故 以上俱本舊志 五十一年三月六
日大雨雪水凍竹木摧折 五十二年知府都公世
燾去鐘鐘重數千鈞埋土已尺餘有癩者忽入鐘內
數日以石擊鐘人始覺掘土出之 五十八年七月
初一淫雨一日夜水暴發壞屋廬淹居民

嘉慶元年正月雨雪凝冰殺菜麥樟樹盡折 二年夏

六月米峯廟前徐慶魁家塾產靈芝三本成傘蓋狀
色上紅下黃備極精好初生時瑞氣薰蒸左右土色
如硃砂委地掃輒復形出土後漸長漸高厚數層勻
圓可愛一時同人讌集賦詩誌慶稱盛事焉 五年
元宵前數日暘亢如夏旋北風起雪深尺餘米堅可
履 七年五月初二日雨至七月不雨大旱傷禾稼
巡撫張題請緩征作四年帶運 十二年夏旱 十
三年五月十五連日雨大水暴作衝靖安門城垣壞
廬舍井竈兩城幾如澤國先是康熙甲午大水南城
太尉廟有碑尚留水痕是年尤高五寸 二十六日
大水復作鄉里較城高三尺 十四年五月有龍戲

於府城隍廟前河水直立丈餘循北城而下屋瓦盡
飛傾青宮太保坊 十五年夏天晴日朗有烈風驟
至吹錦水奇觀樓於河中 二十一年五月大水調
露鄉附山等處田路多為潭 二十五年府署產瑞
芝知府韓公桐有詩 夏五月旱至八月兩早稻盡
傷廣種蕎麥蘿苜收踰常數歲則無饑是年隣邑皆
緩征高安賴此如常額

道光元年秋旱 二年碧落山春洞有氣如虹上衝半
空 三年八月仁濟坊火店房民居百餘斗野奎光
坊燬宮詹第亦災

仙

六朝

黃仁覽字紫庭輔之子許旌陽之壻有道術嘗為青州從
事隔家千里每夕取竹杖喫水化龍騎之歸省旋復之
官後舉家上仙里人于其騎杖處立竹龍觀祀之今縣
東北二十里祥符觀其故宅也宋封冲道真君

謝仲初萬載人住邑之西北山中名謝山

劉仙翁廬陵人來遊蜀水遂白鹿入釣山洞修煉成仙今
洞中有仙人遺骸及鹿骨存焉鄉民每遇旱設壇建醮
拈香拜禱於釣山洞前雨澤立至其應不爽

李八百名真蜀人居高安嘗得仙術自稱年八百餘故人

以爲號有葫蘆井煉丹臺在府西三里妙真宮今郡治其故宅也楊誠齋詩云李真宅子故依然

李明香李八百女弟也初修行于華林山之元秀峯後于五龍岡冲舉蕪詩有弟妹還應共一家之語

王子喬邑南荷山上有蓮池相傳子喬駕白象至此象化

石今山頂有丁王二仙壇前一峯如橫琴上有仙跡

丁義丁坊人精醫道以神方授吳猛今崇元觀即古白鶴觀乃其學道之所自謂丁令威後身生子一名奎女四奎初爲公安縣令性逸善琴棄官與王真人修道黃堂觀受許真人九轉丹術後徙太極觀藏琴石室每夜靜岩火光明人近窺之乃煮白石至今觀前有洗藥池磨

劍石時人立塔嶺上有二仙真容琴嶺之名基此陳後山詩云琴嶺嵯峨八面山丁王遺跡有無間燒丹石上蒼苔合洗藥溪邊白水閒雲鎖洞門人已去月明華表竊空還岩扉不掩春長在老却青松幾樹殘女秀華秀英相貌奇異誓不適人秀華從李八百妹明香真人學道華林山元秀峯後于五龍岡冲舉秀英從吳真君女彩鸞學道白鶴觀觀側有煉丹井道成東晉永和二年八月十五日同彩鸞白日乘鶴飛昇秀英所遺仙衣傍父墓塋于崇元觀北有倒杉樹爲記丁氏立塔世紀焉觀內有丁仙福地牌坊

唐

張惠感字智元道陵十四代孫自崇元觀遷隱浮雲山慕
神仙學得乃祖真傳唐長安五年武后召為國師齋于
明堂感慶雲神龍黃鶴之應又奉詔往亳州大清真宮祀
九井時冰雪凝沍忽有聲如雷水湧溢二龍出戲后異
之賜帛歸浮雲山修煉天寶中丹成冲舉今調露鄉有
惠感故里存焉

孫智諒本邑人幼師惠感煉丹于元秀峯常有浮雲罩其
上因號浮雲觀開元二十五年三月詔洪州觀察使韓
朝宗以禮迎至京師時年已百二十矣帝問何術而壽
對曰居山食果飲水而已赴關沿道惟食二棗上嘆息
送肅明觀遣內侍郭道贊送棗二盤六月再召見內閣

時帝憂旱智諒請夜醮致雨帝大悅因問治國之要對
曰聖人之道在一心不他求也賜紫衣一襲帛五百疋
奉詔歸隱浮雲修煉二十七年丹成復詔徵不起卒年
百四十餘

沈麟字廷瑞彬之次子也有道術嗜酒却粒寒暑一單褐
數十年不易跣足日行數百里林棲露宿多在玉笥浮
雲兩山自號沈道者一日造縣宰戲之曰沈道者何曰
道成乎麟作詩云何須問我道成時紫府青都自有期
手握靈苗人不識體含仙骨俗安知及死之日見其乘
舟浮于江上視其墓則土裂尺餘嘗緘詩寄陳智周云
名山相別後別後會難期金鼎銷紅日丹田老紫芝訪

君雖有路懷我豈無詩休問繁華事百年能幾時智周
于端拱二年登第授衡陽尉

幸潭字子淵洪城人祭酒南容五世孫也少有奇氣寡笑
言後遇異人授秘術卒後鄉人遇之于汴託寄書函語
之曰城北潭旁古木吾家也叩之必應人如其言有二
童子出一丈夫繼之即汴中所見者郡人異而祠之禱
祈輒應或謂其委蛻仙也歷代崇祀封龍王白玉蟾遊
幸龍王廟作歌五首載藝文

施肩吾字希聖分水人讀書五行俱下唐太和中舉進士
後隱于洪之西山嘗作淨居寺碑及三柱銘又集西山
會真記五卷取五行正體之數每卷五篇應一氣純陽

之義自為序嘗有詩云若教西山得道者連余便是十
三人嘗自稱華陽真人

宋

朱元整邑人咸通五年入華林山李八百洞中見玉案石
函內有道經二卷

趙吉邑人敝衣蓬髮未嘗沐洗好飲酒雖遇素未相識之
人皆能道其宿疾及平生善惡人咸知其有道術元豐
三年蘓子由謫筠吉來見問曰亦嘗夢先公乎方其夢
也亦知有存沒憂樂乎曰是不可常也吉笑曰公問我
養性今有夢覺之異則性不全矣子由異之又曰吾知
君好道而不得要陽不降陰不升故肉多而浮面赤而

瘡吾將教君挽水以溉百骸經旬諸疾可去子瞻居黃州求書而往一見喜子瞻樂易留半歲北歸從之知興國軍楊繪見而留之吉喜禽鳥六畜嘗以一物自隨寢食與同在興國為騾所傷而死繪具棺塋之後蜀僧法震者至雲安逆旅見一丐者曰吾姓趙頃于黃州識蘇公為我謝之子瞻驚問其狀時知興國朱彥博之子在坐歸告父發其塋惟一杖兩脛而已

周貫不知何許人自號木雁子熙寧間至高安與僧覺範友善日酣飲狂吟一日至袁州見李生欲與俱隱而李生拒之貫令煮糜作偈曰頑鈍天教合作鑄由來三腳不能行雖然有耳不聽法只愛人間戀火坑人間其壽

貫曰八十西山作酒仙麻鞋踏斷布衣穿相逢甲子君休問太極光陰不記年後卒于西山又有人見之于市上者附書李生云明年中秋相謁及期果至李生偶出貫以白土書門云今年中秋夕來赴去年約不見折足鑿彈指空剥剥未幾李生果墜馬折一足

楊昌年豫章人景定間受業邑之天慶觀即今元妙觀也少靜默無塵市跡深于易及孔孟諸書尤善詩有清溪集行世精煉丹砂年八十色如童所居有花香閣寮宇多所構江村姚雲常紀其事于石由宋迄元前後郡守悉尊禮之天師稱以教門高士領諸宮觀事為一代黃冠師表

彭徵號雲樞字以清進士定齋之子世居馮水甘坊里讀書嗜老莊耻求聞達遇異人授以秘術因徙家于三十七都米峯之麓築別墅朝夕吟咏與李漢用輩相友善著清籟集行世本路廣文余泗濱為序劉耕孫以筠陽詩伯稱之年九十九一日與家人訣曰詔至矣上帝召我為香案吏後果多感應筠北以真人祀之

明

簡臣字均庸故里塘人少補諸生慕神仙術明崇正間從釣山劉仙翁洞中得祈求書八卷內分乾坎艮震巽離坤兌又神樞一卷上書電母秀文英傳下付竹間道人每遇旱潦祈禱輒應芝陽富水金陵之間大奇其術順

治辛卯大旱郡守孟公禮致之臣崇事內功日飲墨汁數升汁淡雲淡汁濃雲濃限刻而雨酬以金幣不受後數年卒于句容或云尸解然今諸書尚存僅失乾坎艮

震數卷

釋

唐

澄靜亦稱三藏禪師俗姓胡得法于大寂禪師宴坐獨龍窟棲息猛虎岩著大乘明教論一卷見性篇一首

雲興姚氏子元和中以宦族入空門聰慧多能號三論大師每講華嚴有搖石雨花之祥後人因即其處建殿以瑞應普光名之既歿塋于經藏殿後邑宰劉輯銘其墓

高安縣志 卷二十三
會山寂禪師雲居膺禪師皆從价大師得法道行具傳燈
諸錄

令超禪師住本邑上藍山鍾南平王迎至洪州住開元寺
仍以上藍名焉僧問如何是上藍本分事師曰不從干
聖借豈向萬機求曰祇如不借不求時如何曰不可拈
放汝手裡

曉舜禪師本邑胡氏子住雲居寺有舜老夫之號語載傳

燈錄

宋

守芝六祖第十一世大愚山禪師雲峯文悅見芝公屋老
僧殘荒涼如傳舍自提笠日走市井暮歸閉關高枕欲

去之芝適上堂曰大家相聚喫葶藶喚你一葶藶入地
獄如箭射下座師駭焉夜入丈室求佛心法後芝遷翠
岩文悅得承心印

本仁邑之白水人將辭世焚香白衆曰香烟絕處是吾涅
槃時也言訖跏趺而坐息隨烟滅

道全洛陽王氏子生不茹葷事洞山文師五年而悟告文
曰吾一槌打透無底藏一切珍寶皆吾有也文印可之
本郡太守請住石臺清涼又徙居黃檗蘓子由來筠與
遊甚契謂子由曰君靜而慧可以學道久之化去體煖
而香輒十五日而荼毘得舍利光潔無筭子由為撰塔
銘

省聰禪師蜀綿州王氏子少事慈雲海亮禪師遊吳越事
浙西靜慈大本禪師初未悟本師夢聰吞一世界一剝
刀及聰得悟後本乃明言其夢聰至高安住真如開善
聖壽三道場蘓子由寓筠與師同鄉周旋尤密及子由
再來而聰退老黃檗特出山相見曰宿緣也衆又請居
逍遙子由函華嚴諸大部以授踰年而寂子由有莫辭
及塔銘

石臺問禪師成都吳氏子手書法華經甚精莊誦萬遍老
而不倦脇不至席者二十三年蘓子由贈詩有云法老
曾經見老盧半生勤苦一朝虛心通口誦方無碍笑把
吳鸞細字書

智本禪師本邑郭氏子住潭州雲蓋山語錄載傳燈
律度音禪師西粵全州李氏子出家于本州湘山寺遍歷
諸方後得法南泉和尚住靜菴溪之羊嶺山鍵關二十
餘年有語錄一帙刻行建石塔于十四都之謝家坑邑
人陳以騰熊坊陳之璠胡惟聖鄒篤生陳九疇徐必上
吳士雍席有光楊晟等共撰塔銘板藏本山

方技

無名相士精風鑑筠太守召賓僚令遍視之時曹利用為
巡檢同王務本在坐相者言利用後當極貴坐客皆笑
守復問務本何時登第曰須巡檢入兩府時耳客皆曰
烏有是後利用以使契丹有功為閤門使十年間歷位

樞府而務本適登第後為海州推官

幸靈邑人人以癡目之晉發民造官船于建城山中吏令人各作箸一隻靈箸為人而盜俄而盜者心痛欲絕靈曰爾得毋盜我箸乎盜者不應痛愈甚靈曰若不吾告令若死矣盜乃以情告靈以水飲之立愈及舟成欲下水吏糾二百人引之不能動靈請用十餘人其去如飛高悝有鬼能言投擲為怪或器物自行走祝不能止迎靈治之及至見符篆甚多笑曰當以正止邪奈何以邪止邪乎即焚去其怪遂絕所為皆類此今有廟及宅在本縣之洪城

方子明道人也寓聖壽寺蕪欒城贈以詩有水乘成銀利

十倍丹砂為金世無對此人斬術不肯傳闔戶泥墻畏天戒子言舊事淨慈師未斷有為非淨慈此術要將救飢耳人人有命何憂飢

鄧詳甫邑隱士嘗遇異人受象緯韜鈴之秘避世不仕劉伯溫來丞詳甫見而奇之伯溫與遊盡得其蘊論者比之圯上老人

胡任邑人醫術最精竒效非一利濟甚廣至今稱之著有醫方諸集

姜宸進賢人以醫寓高安有儒行萬歷戊子己丑連荒家戶病疫宸施藥濟困所活良多人咸德之

朱九錫二十九都人前會魁益之曾孫

國朝順治間與胡文瑜同習方外之學二人相友善總漕
林公起龍遣使徵二人往異其術為薦于正藍旗親王
一時驚以為醫學仙品所至蒙殊禮及歸王復檄江省
起送赴京時人傳其事謂榮踰登第

胡文瑜字潤甫龍口人進士倫之裔孫初習舉子業屢試
未遂見有異授儒醫者艷慕其術因棄所學而學焉遂
與同邑朱九錫遊于漕院林公起龍之門術大行林公
喜以其事聞于正藍旗親王王以異人目之且欽其賦
性朴誠持品清潔欲薦授二人官錫以年老辭文瑜授
宗人府供事廳職各賜金幣歸里

胡宏十八都龍口人辟穀半載禍福前知一日語家人曰
我于某日昇舉屆期端坐而逝里人立廟祀之祈禱輒
應

鄧筠山四十三都鄧坊人叔象先為真元觀道士有堪輿
自贛來遊者病于觀不能起筠省叔為之調衛甚勤堪
輿愈携之歸贛遂通形家術視地能測五尺下土質色
以墳墓質休咎毫忽不差人以半仙稱之

周德峯真元觀道人南昌宦家子少補弟子員崇正末隱
于僧慕淨明教改修道才敏工書得導引術臍上可熟
餅臨死謂其徒曰某月某日吾將從孝悌明王遊矣至
期函開如爆竹聲而絕

涂源字自崑四十三都泉井人幼補弟子員因病血醫不

能治自檢方書偶見有脉證與所病同者用其方治之而愈因嘆曰病必有方遂博採岐黃家言人有以病來者即以前醫醫案示之所治立愈晚年求胙者戶外屨常滿焉

拾遺

唐中和二年南平王鍾傳奏置洪州護國上藍寺其意欲以高安上藍山僧令超住持故置寺仍取高安舊名也初傳微賤時令超器重之每相見必加禮遇及傳貴顯乃造是寺併給良田數十頃延令超居焉大順庚戌令超端坐而逝塋于西山之麓謚元真大和尚塔曰本空蕪文定公謫高安時僧雲菴住洞山聰慧住壽聖一夕雲

菴及聰慧皆夢同文定迎五祖戒禪師覺以相語文定拊掌笑曰異哉未幾報東坡達奉新三人迎之抵建山寺而坡至文定具道夢坡曰軾將生時先妣夢眇目僧投宿及吾方七八歲嘗夢為僧往來陝右雲菴驚曰戒陝右人眇一目暮年棄五祖來遊高安終于大愚迄今五十年矣既而問坡時年四十九坡大悟自後以書與雲菴佛印每自稱戒和尚後坡至嶺南金山寺復感宿因之夢

蕪文定公兩至高安有一虞兵忘其姓名嘗執役頗敏慧文定與文聰諸僧往來多談禪學虞兵侍側習聞之文定去即告郡乞閒一日舁棺于堂上與親戚飲其側妻

子以為非佳兆訝之兵曰生死一事吾達斯理與之別爾跌坐棺旁而逝

龔德莊罷河朔挈家至京師時遇上元有劉野夫者以書約德莊曰今夕君家須盡室觀燈欲來共公語德莊雅敬其人危坐候之三鼓矣家人未還野夫亦竟不至俄火焚其門德莊窘持誥勅犯烈燄而出頃刻數百家皆為灰燼明日野夫來問且賀曰誥勅全乎家人全乎德莊異之

趙像之授臨川司戶檄考古州試將開榜夢八馬嘶于庭若有訖然如是者連夕因再閱所黜卷有用八駿事對者笑曰疇昔之夢豈爾耶置諸几不復夢榜發益周益

公也後益公在政府答趙啟云作者七人想秋闈之如

昨凜乎六馬覺夜夢之通神

從通志增入

楊誠齋云紹興某年七月間在高安郡治一夕夢至脩門外宿留旅邸問逆旅主人地名謂何答曰送殘秋既覺莫解其意八月十二日拜召命是日啟行九月十二日入脩門寓仙林寺至十月三日奏事選德殿竟送殘秋有詩云夢遊帝里送殘秋重九真為帝里游十月初頭方賜對癡兒枉卻一生愁

雷淳字伯強篤學好善杜門讀書一日晝寢汗出如雨至夜半方甦云夢數黃衣持牒請至一官府主者與之茶曰子生平忠直數已盡可與家人訣七日來此充善簿

判官苦辭不允乃集親隣付家事相與宴樂七日沐浴安坐而逝

劉恕之清操與不持一硯之包拯同以庶吏著稱恕自洛陽南歸時已十月無寒具司馬光以衣襪一二事及舊貂褥贖之固辭強與之行及穎州悉封而還之光與且不受况他人乎尤不信浮屠說以為必無是事曰人如居逆旅一物不可乏去則盡棄之豈能齎以自隨哉出十國紀年序

宋修資治通鑑英宗詔司馬光自擇館閣英才相助纂輯光舉劉恕以對上曰善退即奏召之與共修書凡史事之紛錯難治者則以委之光蒙成而已光嘗自言曰光之得道原猶瞽師之得相者范淳甫

劉貢父咸推道原之功力最多元祐七年通鑑板成上詔以書賜其家諸儒共榮之其書藏釣山之族今散佚無存矣

范龍南作鎮江太守考天下清苦第一其叔伯弟昆有在其衙署者常不飽于飯蓋其性疎淡每米盡不記支或促之而臨票不押夫人難之乃于早堂出時餓之曰今日且勿舉火公問其故則應曰無米始諾諾命糴家人歸里促以同室之餽遺乃出廢紅簡及字扇若干曰以分與某某為作花驅暑之資人曰太菲公曰吾更有何物堪贈請益則各以鞋面布數尺而已後陞憲副說者曰如此作官亦但止外四品識者曰如此作官所以止

于外四品也彼之為清苦豈為作官地哉從吾所好云爾當其一往不顧即三公不換四品猶意外也

吳文端公官至大宗伯不許子孫衣綺羅見童子試週斑衣用錦者裂之公次郎好馳騁不得公歡值覃恩當再蔭公自題請曰臣次子不才不可以蔭願移封一代公終身不許次郎見面凡元旦壽日望座叩拜而已其實次郎才公學古人尚德抑才若此公為世宗契重每稱之為大宗伯重臣山在禮部堂上兼攝四印敕許四俸並交代行郊天大禮最異數也歸里謙光倍常朴素無驚于俗所居湫隘仍故其門人為之墜少保第廳事不旋馬當其起墜後堂基缺一角屬他人地公多金求買

不與許以天井石上寄一簷柱而已今現存條不墊地可謂得公子荆苟完之度矣

梁鉞溪上人魯業儒以赴考歸路次避雨野廟中歸而得疾死已墜訖猶在室中作話如生時聲妻傅氏答之即應但不見其形耳自是以為常每早則呼人起春耕秋斂晴叫曝雨叫秧人遵之則喜違之則怒至作字墨書于臺指畫于壁忽然有之不知其何以來其父方塘哭之以詩曰有形似可見有聲實可聽出言明且盡作字草還真實錄也如是三年一日謂其妻曰我去矣妻問何往曰之德安自是絕響五十年傳壽九十一臨終之前數夕夢鉞立于門外招之曰來吾接女傳心知之矣

二子曰南曰北南生維新中崇正庚午鄉試新又生三子幼吉以文章名論者謂奇鬼之後妙饒筆舌當時不能闡其用後世必能竟其蘊

鄒復彛桂林人萬歷乙亥冬學使莊公按部既抵郡謁廟以明日試府庠彛未之知日方中戒行李躍馬馳至半途聞試已迫燃炬宵征走四十里夜已半疾呼閉門卒莫應同行者曰盍憇酒肆乎曰不及試將奈何曰寒氣栗冽不可任閑又不可呼立守何益彛從之回馬一笑橋方欲度忽有皂衣冠而來者曰何去試迫矣少頃之城有放燈者可入也亟勒彛馬向閑而控其韁彛下鞍揖之問其姓曰吳問其名曰豹一問其居曰城西頃

之鼓吹喧闐燈火榮列鑰甫啟手擁彛馬入閑彛心喜未遑別抵關聖祠下扣居停已晨炊食試者即就食入試文宗優拔籟之思微夜中人隲相安得此每來閑下輒物色之不可得迄萬歷甲寅彛應貢當北上次子沈讀書西寺寤間若有告者曰西門吳將軍非豹乎駭而起具以告彛肅衣冠謁廟恍如疇昔所見為文祭之有宵征紀異刻一時同人賦詩傳其事

陳枚邑人善降乩鎖筆硯于空室使神作書未來事無不應驗然讀畢即焚去不得留華林亂時周節愍以討賊在瑞會南昌知府李承勛以他事偶至周偕叅將趙越命枚問賊事置紙筆西室鎖枚東室周與趙李張燈宴

于堂周善笑譁恣肆畧不敬禮其夜天無纖雲忽震雷擊案燭盡滅盤觴皆中裂三公驚起枚從東排戶而出伏地請罪啟西室視之紙上有周憲如何無禮六字仍各具姓名封鑰如故敬謹以俟周公紙上詩落句云千金難買汝心肝後周為賊殺剖食其心李公紙上詩字甚佳欲留之因以別紙色似者對枚付火而以詩紙密藏書帙中明旦書中出烟發視則紙灰一幅而已出續耳談誤載為贛州府事

劉烏頭邑女子也兄曰劉隲弟曰糞掃為軍將孫金所掠烏頭十七歲死葬米嶺後三年孫金為常州團練副使糞掃從其女君會宴于大將陳氏見烏頭在焉問其所

從來云頃為寇掠至岳州與劉媪為女嫁得北來軍士任某即陳所將卒也從陳至此爾通信其家隲時為縣刀手後數年因事至都遂往毘陵省之晚止宿逆旅翌日先見孫金而後遣小僕覘于任宅方見烏頭洒掃庭內曰我兄弟將至矣僕良久叩門問為誰曰高安劉家使乃曰非二兄名隲多髯者乎昨晚當至何為遲也即自出營門迎之容貌如故相見悲泣了無少異頃之孫金遣其諸甥持酒食至任居讌序烏頭曰今日乃得二兄證我為人向者恒為諸甥輩呼我鬼也任亦言其舉止輕捷女工敏速每夜作至旦若有人同為者飲食必待冷而後食隲因密問汝昔已死那得至是烏頭曰兄

母為此言將不得相見矣隲因不敢言久之任卒適軍士羅氏隸于江州高安制置使陳承昭召隲問之令其發穴驗視見墓上有穴大如碗其深不測衆懼不敢發相與退坐大樹下筆疏其事以白承昭是歲隲聞烏頭病往省之乃告隲曰頃為鄉人十餘輩持刀杖劫我幾中我面我大責罵力拒之乃退坐大樹下作文書而去至今舉身猶痛隲乃知其出入墓中因是亦懼而踈之羅後移隸晉王陳戍周顯德五年乃有淮王之地羅臨歿不知其所在時年六十二歲矣

蛇姑嶺在鄭港西山為隣相傳有一農子催于某家為工性好浴每浴必于無人處掩身冬浴于房則閉戶性誠朴除糞田以外無所知凡數年主人賢之贅以女久之竊窺其浴坐水成蛇女問其故工曰子見之乎吾將去矣女泣曰吾父以妾身相託為子安土無他志冀一家之人倚君為歲穀耳今去不相負乎工曰翁農家也設遇旱吾當為雨以報女具告父父執之工不對而走踰山如騰雲涉水不見女從之奔至鄭港嶺望望而哭淚盡血流而死其父夜夢見女冠帔言嚮為本山蛇神可以救旱自是試之每禱果有一蛇出就人人知其為姑也以盒承之蛇緣盒盤踞其中歸而至壇壇中設水一缸蛇下盒就香案上偃息或下缸浴或見或不見或隱去半日一夕或頃刻復來或有竟去不來者道士鑿鼓

樂之燦盛，颺之雨降，足送蛇還，仍以盒為輿，禱曰：升輦，簇以旌旂，羽葆鼓吹到山，請降輦。蛇自行出盒而去，或岩或草，杳然也。後有禱或復此蛇來，或易一蛇來，長短大小，青黃紫碧不一，其色而性馴，可捧，皆不嚙人。送之者，多以金環銀鈎繫其項尾，識之，稱蛇姑娘。娘凡舁蛇所過，雖大渴，戒飲水如飲于此，雨即下于此，不得需于所禱之處。

蜈蚣山在二十四都秋溪團山嶺，祀仙王廟。因天啟年間亢旱，往蛇姑娘嶺舁神祈雨，得雨送還。至其所開盒，不見及歸，蛇仍在廟里。人遂祝曰：神願顯靈于此，當塑像奉祀。卜之得吉，虔祀百餘年。濟旱佑民，顯應異常。隣邑迎

請無不應驗。地脉効靈神，故移顯于此。

雩祭請龍王天下之所同也。而請龍王夫人則高安之所獨也。高安咸陽橋陳氏有閨秀名金姑，從外家歸過龍王廟而墮釵，遍尋不見。禱于龍王曰：有人還我釵者，吾嫁之。須臾釵在懸旛上，女喜拾歸。是夜無疾而死。次夕托夢于其母曰：吾已為龍王所娶矣。言出我口，不能辭也。但念無以酬母，此間崇禛霖霖有痴羊數百頭，皆雨卒隸女。燻下以後，值旱魃來肆災，當以告我。我即揮之來救。以此為誓，斷不爽言。于是陳人塑其像于龍王右，遂呼金姑為龍王夫人。每遇旱咸陽人以鼓吹輿蓋來迎金姑，而雨輒應之。康熙辛亥六月極旱，猶以迎姑之

故而獨得偏雨噫一女之靈在地且能福蔭一方况權有大于此者乎

郃賢三城南人素不羈明宏治間暴卒久之有病酒者無以自解曰昨遇郃賢三拳我也召巫禳之巫亦詭言郃為厲市民驚焉郃氏子孫塑像祀之稱郃太公聲聞及遠四方來禱祈者輒應于是有堯鑿像之者有袞冕像之者龍車象輦儀仗鹵簿導之迎之游揚之或祔廟或專祠或郵案歲輪月接傳香于閭閻之間額為例其靈爽赫濯不但瑞人播傳有人于荊州木簾上見之自稱為郃將軍談瑞州事甚合以風送人頃刻簾行無滯按鄭志載賢三為邪鬼鄭太守禁人謠事當時稍息不知

騰焰至今野燐之火亦有撲滅不得處

徐乾城南徐廷廣之僕廣甫半歲父母俱亡乾襁抱乞乳乳之及長教讀婚配一以主僕分自安直指聞其事賜匾旌異年七十餘卒按志無忠僕一欸以難其人也惟乾畧似東京李善可以風世今特表而著之

按陶志載觀音寺有欽賜寶塔二座塔誠有之非欽賜也又云宋朝有國舅出家于此亦未也云改名興國寺亦非也何以知之于宋人地宮銘而知之地宮即寶塔之瘞于土穴者是也其文甚核熙寧六年四月癸卯日所置甚足徵也志所謂羣盜徧發不得者即此物也發之者明嘉靖中南城禮義坊人吳佛也

後百餘年劉潔菴與佛魯孫元衡交遊拾其文刻而表章之

志所載觀音寺有俱胝和尚考燈史金華有一俱胝為天龍法嗣于高安遠無因緣而本寺先覺神主牌昭俱胝和尚穆富弼丞相益疑之富公安得至此即謂富公生嘗金湯佛法而所承事者投子昂也非俱胝或是其所供養寺嘗托其庇而假以報之耶故亦闕疑

按府志宋制高安秩官教諭之後有直學高安新昌俱未載一人而上高則載直學二名元直學亦二名按王義山作西澗書院記曰是役也山長丁起晦建而直學吳清叟司書趙若璫董其事是吳清叟亦為舊志之所不知矣又按至元二十二年總管高節與丁起晦同建西澗書院者高載而丁趙缺可知府志之欠詳抑考核之難悉矣

義塚

塚四所

- 一在大愚寺之左去縣東南二里
- 一在萬碩鄉連錦橋去縣東北一里
- 一在易俗鄉龍化橋去縣南二里
- 一在宣政鄉清水橋去縣北七里俱宋淳祐五年知州盧壯文立以葬貧民無所歸者

漏澤園

在太平門外去縣西一里宋崇寧三年設

義驛塚

在斜溪坪上明洪武初熊士興乘驛往鄉遇

賊被殺驛長鳴驚知鄉人救莫及以舌舐血哀鳴三晝夜而死鄉人義之為塋此碑曰義驛塚陶太守履中曰義馬義犬古誌之矣閱筠志復有義驛不尤異乎抑黠驛以技而敗此驛以義而傳君子于此得察則之道焉漫志云乎哉邑舉人熊心詩云嗟哉物不得其平忿賊高鳴四野驚誰使兩間存正氣蹇驛亦以義標名

拾遺補編

福潤禪師字天霖新昌池溪汪氏子住持筠西洞山古刹永樂癸卯授郡都綱適廣西潯州府署有妖為崇御史潛滇薦為潯州知府而妖始遁歷官九載致仕還山重建寺宇潛滇贈有匾聯

沐凡道人不知何許人康熙初年來龍山手提一籃籃內盛菓餌人有所遺悉置籃中病者啖以菓餌輒愈所言初不可曉事後多奇驗孝廉吳衢少時道人見之曰此一榜兩秀才也因為之名曰衢贈詩一首末有十年再相逢語既赴童子試累不遇乃卜名發元入泮在庠十載學使者以文險僻黜黜後憶道人語更名衢復入泮

癸酉登賢書又有吳某年方幼鮮兄弟道人曰汝能從
吾遊乎父母不可道人曰此亦數定然相汝形體無嗣
因檢籃中出紅荳粒半與之曰吞此可得一子一女後
悉如其言羈遲半載以洩人隱事人恨焉思夜刺之跡
其所至則獨坐深山古墓中兩虎跳躍其前人不
敢近後不知所終

高祖述字立德三十四都逆水橋人幼失怙母目雙瞽家
徒四壁苦謀菽水以承歡撫摩弱弟不留餘力後乃棄
儒就術專業堪輿兼精星卜之學而名遂由是日顯著
有選擇正宗待梓行世

白鶴仙蹤在治西北七十里舊白鶴觀其上數里有高山

名白鶴壇世傳元至元間幸希仁飛昇于此里人立壇
祀之稱白鶴仙人歲旱禱雨輒應今有仙人橋仙人洞
諸勝

跋

江文通有言修史莫難於志志之爲言記也所以歷記
天地民物足資考據也志之爲言識也所以多識前言
往行可備叅稽也高安縣志宋元以前不可考有明三
百餘年未嘗有志禍由奸民妄報倍征致遭賠累繼因
隣宦捏指舊文屢滋控訐凋瘵傷骸何暇於志哉

世祖

章皇帝勤恤民隱加惠窮黎憫百室之顛連允大憲之奏
疏則壤成賦減浮蠲逋復維正之供而高安始安此千
秋定案之所由作也嗣是民勞既息民氣漸舒又得當
事諸公賢明採掇郡志搜討遺文康熙辛亥邑侯張公
文旦肇修於前乾隆乙亥聶公元善重修於後嘉慶元

年署邑事吳公楷三修之縣志用徵完善今

聖天子觀人文以化成徵天下各州縣新修縣志勒為成書

以待輶軒之采幸逢廉明之宰慈惠之師如我公者

躬董其成將三十年以後事蹟踵其後而續增之拾遺

補闕別類分門益加詳備慎之至也重之至也而吾因

之有感矣唐德巍巍平章百姓周文郁郁撫綏萬邦維

我

皇上承重熙累洽之後徵文考獻摩義漸仁俾天下一道而

同風生其時者士習古聖之詩書農服先疇之畝畝商

循上世之懋遷工用高曾之規矩戶無虓吠之驚家鮮

鼠牙之訟繁乎隱隱各得其所睹斯志也荷天地之生

成驗民物之繁富佩前言之懿訓溯往行之芳徽惟有

沐浴膏澤歌咏太平拜手而誦之曰盛哉乎斯世而已

矣敬隨同事諸君子後附數語以綴於篇

道光四年邑舉人吳凌鳳謹跋

